



# LAS SCHIBETTAS DAL MAIS

da Patrick Capaul

## NINE INCH NAILS «WITH TEETH»

Mastermind trent reznor è enavos cun ina nova versiun da sia band NINE INCH NAILS – e naturalmain cul successur da la mega schiba «fragile»! E sin quest album hai jau daver spetgà sez sco'ls pops sin San Niclau....

E per respunder la dumonda sin exact tge ch'jau hai spetgà, hai jau strusch ina resposta. Tut quai che quest musicist american ha preschentà dapi ses debut dal 1989, metta tut las aspectativas sil chau, demontescha tut las speranzas en pitgna tocca e lascha enavos en il stgir cun in sentiment sco d' avoir in giat mort en bucca! Uschi morbid che la musica da NIN sa esser, per quels sentimets da legria che quest depro ha schon regalà a mi cun sia musica, suni engraziavel anc sin sunteri sut dus meters terra umida! Sun jau insumma anc schubers? Tge schaiss-damonda – quella schiba è hammer! Ed il rest n'emporta insumma nagut!

\*\*\*\*\*



## SYSTEM OF A DOWN «MESMERIZE»

Atgnamain ma fascinescha «mesmerize», il nov album da SOAD exact uschi fitg sco lur mega album «toxicity» – e gliez malgrà che jau hai udi quellas chanzuns novas be ina giada. Jau analysesch quest fenonem suandantamain: SOAD èn anc adina exact tuttina pac schubers sco schon adina, dentant ha quella band americana cun ragischs armenas fatg in pass vinavant che fa els anc per kilometers pli unics che tut quai ch'il metal modern ha gi da porscher tochen ussa! Las pli derbas escapadas fonicas tutgan quella giada sin kitschig pop, la discotussi vegn violada durant ina nozza greca dad in chantadur ch'è carschi si en in gagliner cun granatas sco turmagls....YESSSS!!!!!!

\*\*\*\*\*



## SCUMBUCKET «KISS THAN KIND»

Kurt Ebelhäuser è da professiun il ghitarrist da la band tudestga BLACKMAIL – e ses hobi preferì, sper ses segund job da producent, è la band SCUMBUCKET. Era sche quai tuna ussa suenter in pau sound mediocher dad in che na fa nagin sport, è la musica da quest trio tut auter che be mesas chaussas! SCUMBUCKET han schon perschua di critichers cun trais albums lunsch sur la media, quest trio giada il predicat dad esser la megliera «schweine-rock-band» da la Germania! Ed en quest cass unic, sun schizunt jau ina gia dal medem maini culs scribents da rolling stone e visions! SCUMBUCKET èn davaira ina band, u meglier ditg in project extraordinari, ed oravant tut la nova schiba «kiss than kind» è musica da rock uschi buna sco strusch pussaivel!

\*\*\*\*\*

